

Апостол 06.10.2024

Б: Мир всем.

Я: И духови твоему.

Б: Премудрость.

Я: Прокимен глас 6:

Спаси, Господи, люди Твоя / и благослови достояние Твое.

Хор: Спаси, Господи, люди Твоя

Я: К Тебе, Господи, воззову, Боже мой, да не премолчиши от мене.

Хор: Спаси, Господи, люди Твоя

Я: Ин Прокимен, глас 7:

Я: Возвеселится праведник о Господе / и уповает на Него.

Хор: Возвеселится праведник о Господе....

Б: Премудрость.

Я: к коринфяном послание святого Апостола Павла чтение.

Б: Вонмем

Братие, Бог рекий из тмы свету возсияти, иже возсия в сердцах наших, к просвещению разума славы Божия о лица Иисус Христове. Имамы же сокровище сие в скудельных сосудах, да премножество силы будет Божия, а не от нас. Во всем скорбяще, но не стужающе

си, нечаеми, но не отчаяваеми, гоними, но не оставляеми, низлагаеми, но не погибающе. Всегда мертвость Господа Иисуса в теле носяще, да и живот Иисусов в теле нашем явится. Присно бо мы живии в смерть предаемя Иисуса ради, да и живот Иисусов явится в мертвенней плоти нашей. Темже смерть убо в нас действует, а живот в вас. Имуще же тойже дух веры, по писанному: веровах, темже возглаголах, и мы веруем, темже и глаголем, ведяще, яко Воздвигий Господа Иисуса, и нас со Иисусом воздвигнет, и предпоставит с вами. Вся бо вас ради, да благодать умножившаяся, множайшими благодарении избыточествит в славу Божию.

*(2 Кор 4:6–15, зач. 176)

Братие, Авраам два сына име: одинаго от рабы, а другаго от свободныя. Но иже от рабы, по плоти родися, а иже от свободныя, по обетованию. Иже суть иносказаемы, сия бо еста два завета: един убо от горы Синайския, в работу раждай, иже есть Агарь. Агарь бо, Сина гора есть во Аравии, прилагается же нынешнему Иерусалиму, работает же с чады своими. А вышний Иерусалим свободь есть, иже есть мати всем нам. Писано бо есть: возвеселися, неплоды, не раждающая, расторгни и возопи, неболящая, яко многа чада пустыя паче, нежели имущия мужа. Мы же, братие, по Исааку обетования чада есмы. Но якоже тогда по плоти родивыйся гоняше духовнаго, тако и ныне. Но что

глаголет Писание? Изжени рабу и сына ея, не имать бо наследовати сын рабынин с сыном свободныя. Темже, братие, несмы рабынина чада, но свободныя.

*(Гал 4:22–31, зач. 210В)

Б: Мир ти.

Я: И духови твоему.

Б: Премудрость.

Я: Аллилуиа глас 6

Я: Живый в помощи Вышняго, в крове Бога Небеснаго водворится.

Хор: Аллилуиа 3 раза

Я: Речет Господеви: Заступник мой еси и Прибежище мое, Бог мой, и уповаю на Него.

Хор: Аллилуиа 3 раза

Я: Праведник яко финикс процветет, яко кедр иже в Ливане умножится.

Хор: Аллилуиа 3 раза